



Australian Government
Australian Signals Directorate

ASD AUSTRALIAN
SIGNALS
DIRECTORATE
ACSC Australian
Cyber Security
Centre



WEI BILONG LUKAUTIM YU YET TAIM YU YUSIM INTERNET

GUIDE O TOKSAVE BILONG HALVIM OL LAPUN MANMERI

cyber.gov.au

Introdaksen (Tok Go Pas)

Taim yu go online, yu ken stap klostu wantaim ol fren na famili, lainim ol samting na pilai ol geim.

Kain olsem yu pasim sialet bipo long yu draivim kar, yu mas wokim sampela samting bipo long yu yusim internet long lukautim yu yet.

Australian Cyber Security Centre (ACSC) em laik halvim olgeta manmeri long lukautim ol yet taim ol igo online. Dispela guide em lukluk long ol wei bilong lukautim yu yet taim yu go long internet.



Australian Cyber Security Centre (ACSC), em kam aninit long Australian Signals Directorate (ASD), save givim infomesin na halvim long painim, stopim na stretim ol cyber threats long Australia. ACSC em stap long halvim Australia na lukautim ol manmeri taim ol laik go online. Sapos yu laikim sampela moa infomesin, toksave o toktok long dispela, go long [cyber.gov.au](https://www.cyber.gov.au)

Cyber security bilong ol lapun manmeri




Tip 1: Mekim update long device bilong yu.


Mekim update long software em olsem yu putim kar bilong yu long sevis. Em bai mekim device bilong yu wok gut moa na strongim device bilong yu tu.

Ol cybercriminal save traim painim ol niupela wei long go insait long device bilong yumi. Sapos yu mekim ol automatic update wok em bai strongim software bilong yu na mekim hat moa long ol dispela hackers long bringim trabel long yu.

Sapos yu laik painim sampela moa infomesin, go na painim 'Updates' long [cyber.gov.au](https://www.cyber.gov.au)



YU SAVE OLSEM:
Ol update save putim ol niupela samting long device bilong yu na ken mekim em wok hariap moa.




Tip 2: Tanim on multi-factor authentication (MFA)

Multi-factor authentication long akaunt bilong yu em olsem security banis long haus bilong yu. Em bai lukautim yu long ol criminal husait laik traिम na brukim banis na kam insait.

Taim multi-factor authentication em stap, yu bai givim sampela infomesin bipo yu ken go insait long akaunt bilong yu. Kain olsem, yu bai givim password na text message code long go insait long social media akaunt bilong yu.

Taim gat planti banis olsem, ol cybercriminal save painim hat long go insait long akaunt bilong yu. Ol ken painim wanpela samting, olsem password bilong yu, tasol ol bai painim hat long kisim ol narapela infomesin long inap go insait long akaunt bilong yu.

Sapos yu laikim sampela moa infomesin, go na painim 'Multi-factor authentication' o 'MFA' long [cyber.gov.au](https://www.cyber.gov.au)



TINGIM:

Sapos yu no save long wei bilong yusim multi-factor authentication, askim ol famili o fren long halvim yu.


Tip 3: Mekim back up long device bilong yu

Taim yu mekim backup, em yu mekim wanpela kopi bilong ol files bilong yu na putim ol long wanpela strongpela peles we ol bai stap gut. Em kain olsem yu mekim foto kopi long ol foto bilong yu na putim ol long gutpela peles we ol no inap bagarap.

Taim yu mekim backup long computer, phone o tablet, ol kopi bilong ol files bilong yu em go stap online o go long wanpela device we ol bai stap gut. Taim yu gat backup bilong ol files na ol foto bilong yu, bai yu ken tingting gut.

Sapos device bilong yu bagarap o ol cybercriminal stilim, bai yu ken kisim bek ol dispela samting long backup bilong yu.

Sapos yu laik kisim sampela moa infomesin, go na painim 'Backups' long [cyber.gov.au](https://www.cyber.gov.au)



YU SAVE OLSEM:

Mekim backup long ol device bilong yu olgeta taim bai givim yu gutpela tingting olsem yu ken kisim bek ol niupela infomesin o files tu.



 **Tip 4: Yusim ol passphrase**

Sapos password em olsem yu putim lok long akaunt bilong yu, yusim passphrase em olsem yu putim strongpela security system long akaunt bilong yu. Dispela passphrase em strongpela moa na bai hat moa long opim.

Sapos yu no inap long yusim MFA, yusim passphrase long strongim security long akaunt bilong yu. Passphrase em save yusim fopela (4) o moa wod na password em save yusim wanpela wod. Dispela bai mekim hat moa long ol cybercriminals to painim aut tasol bai mekim isi long yu tingim.

Taim yu laik mekim passphrase, mekim:

- **Longpela.** Longpela moa em gutpela moa. Yusim 14 o moa leta o namba. Sapos yu yusim fopela (4) o moa wod em bai gutpela moa. Kain olsem, 'purple duck potato boat'.
- **Ino isi long painim.** Yusim fopela (4) o moa wod we ino inap isi long painim na ol dispela wod ino wainkain. Noken yusim ol wod o toktok we planti manmeri bai save.
- **Noken yusim wankain samting long ol arapela akaunt.** Noken yusim dispela wankain passphrase long ol arapela akaunt bilong yu. Yusim narapela passphrase long wanwan akaunt. Sapos yu painim hat long tingim ol passphrase, traim yusim wanpela password manager. Taim yu yusim password manager, em bai yu tingim wanpela password tasol na password manager bai halvim yu wantaim olgeta arapela passphrase. Sapos yu laik save moa, go na painim 'password manager' long cyber.gov.au



Lainim sampela moa infomesin long mekim strongpela passphrase taim yu go na painim 'Passphrases' long cyber.gov.au

 **Tip 5: Luksave na ripotim ol scam**

Sapos yu ripotim ol scam hariap, bai mipela ken wok hariap long stretim

Sapos yu ting olsem sampela lain woklong traim long giamanim yu long internet wantaim wanpela scam, yu mas tingting gut na wok hariap long lukautim yu yet.

Sapos samting em luk olsem em nais tru, em yu mas lukaut gut long em. Message ol salim ken tok olsem yu winim wanpela gutpela samting o computer o masin bilong yu gat wanpela kain sik o virus, tingim olsem dispela message em no go long yu tasol.

Dispela em ken kam long ol scammer na ol laik giamanim yu na traim stilim o kisim samting long yu.

Tingim, ol scammers bai traim long giamanim yu na mekim yu ting olsem ol narapla lain o ogenaisesen yu save gut long em. Yu mas tingting gut sapos yu kisim toksave o message na em luk olsem em kam long ol lain yu save long em tasol ol yusim niupela email, phone namba o social media akaunt. Bipo yu toktok wantaim ol, yu sekim gut olsem dispela em ol lain yu save long em. Kain olsem, sapos wanpela pikinini bilong yu salim text message tasol yu no luksave long namba, noken toktok wantaim ol. Taim sekim ol long social media pastaim na painim aut sapos ol senisim namba bilong ol.



YU SAVE OLSEM:

Ol cybercriminal save traim yusim ol kainkain wei long giamanim yumi na ol ken yusim ol nem o email address yumi luksave long em.

Yu mas tingting gut sapos:

- Ol woklong askim yu long baim samting hariap tasol
- Ol askim yu long senisim ol infomesin o password bilong yu
- Ol askim yu long opim wanpela link o attachment



Konklusen (Tok long pinisim)

Nau yu igat sampela save long halvim yu na lukautim yu yet taim yu yusim internet.

Tingim olsem ol cybercriminal save traim painim ol niupela wei long giamanim yumi.

Em bai gutpela sapos yu traim lukluk na lainim ol niupela wei long lukautim na strongim save bilong yu long cyber security.

Bonus tips

Yu laik lainim sampela moa wei long lukautim yu yet online? Lukim ol dispela tips o kain halvim.

Tingting gut bipo long yu putim samting long internet o social media

Skelim gut infomesin yu laik putim online na husait bai lukim dispela infomesin. Wokim online fren wantaim ol manmeri yu save gut long em na save toktok wantaim na luksave long ol.

Kisim ol toksave long lukautim yu yet long ol niupela threat o birua.

Sign up long fri toksave o alert sevis bilong mipela. Dispela bai toksave long yu taim mipela painim ol niupela birua o threat.

Dispela bai givim gutpela save o infomesin long lukautim yu yet sapos trabel o attack kamap.

Toktok wantaim famili o ol fren bilong yu long cyber security.

Nau yu gat save long cyber security, givim dispela save long ol famili na ol fren bilong yu. Save bilong yu ken halvim ol sapos ol painim birua o trabel.


Noken yusim pablik Wi-Fi taim yu laik wokim banking o baim samting long online stoa.

Pablik Wi-Fi em gutpela long lukim ol piksa o ridim websait tasol sapos yu laik wokim samting wantaim moni, wokim dispela long internet long haus bilong yu. Yu mas was gut taim yu yusim pablik Wi-Fi.

Ripotim cybercrime na taim samting olsem kamap long lukautim na strongim Australia.

Sapos yu ting olsem yu painim birua long cybercrime, wok hariap tasol. Infomesin long halvim yu em stap long cyber.gov.au

Cyber security crossword



DOWN

- 1. Connected to the internet
- 2. A strong password
- 3. A person who uses computers to steal data
- 8. Software that destroys viruses
- 9. A deceptive scheme or trick
- 12. A copy of your computer's files
- 13. Relating to, or involving computers

ACROSS

- 4. Wireless networking technology
- 5. Australia's lead agency for cyber security
- 6. A document on the World Wide Web
- 7. To give information about something
- 10. New, improved or more secure versions of software
- 11. Electronic mail
- 14. The state of being free from danger or threat
- 15. A tool that can connect to the internet

Sampela moa guide o toksave

Sapos yu laikim sampela moa infomesin, go na sekim Personal Cyber Security series: tripela guide bilong halvim olgeta Australians long kisim save na lukautim yu yet wantaim cyber security na ol cyber threats.



Yu ken kisim ol dispela tripela guide o toksave long **cyber.gov.au**

Crossword Answers:

1. online, 2. passphrase, 3. hacker, 4. Wi-Fi, 5. ACSC, 6. webpage, 7. report, 8. antivirus, 9. scam,
10. updates, 11. email, 12. backup, 13. cyber, 14. security, 15. device

Notes

Disclaimer:

Ol samting ol i raitim long dispela guide o toksave em karamapim ol bikpela tingting na yu mas noken kisim olsem legal toktok o yusim long halvim yu long olgeta kain hevi. Sapos yu nidim halvim, toktok wantaim wanpela independent professional or save man o meri long dispela samting na bai ol i ken halvim yu.

Commonwealth em bai no nap luksave o halvim taim ol samting bruk o yu lusim moni sapos yu bihainim ol infomesin stap long dispela guide o toksave.

Copyright

© Commonwealth of Australia 2023

Olgeta samting em i stap long dispela pablikesen o toksave pepa em i stap aninit long wanpela Creative Commons Attribution International laisens, tasol Coat of Arms na ol samting ol i tok klia olsem ino stap aninit long dispela laisens. (www.creativecommons.org/licences).

Long mekim klia, dispela laisens em i karamapim olgeta samting ol i raitim insait long dispela guide o toksave.



Olgeta infomesin long dispela laisens em yu ken painim long Creative Commons websait wantaim infomesin long full legal code bilong CC BY 4.0 laisens (www.creativecommons.org/licenses).

Wei bilong yusim Coat of Arms

Wei bilong yusim dispela Coat of Arms em i stap long websait bilong “Department of the Prime Minister and Cabinet” (www.pmc.gov.au/government/commonwealth-coat-arms).

Sapos yu laik painim sampela moa infomesin, o yu laik ripotim cyber security birua o taim samting olsem kamap, toksave long mipela:

cyber.gov.au | 1300 CYBER1 (1300 292 371)

Dispela namba em yu ken yusim insait long Australia tasol.